

书 赵
法 孟
全 颀
集

中國歷代書法名家全集系列
齊 魯 出 版 社

赵孟頫

书法全集

①下

李正伟 编

群言出版社

佑
圣
观
捐
施
题
名
记

此石向在杭州今藏嘉善程氏

月汀觀察大人鑒道光廿一年

辛丑閏月吳江翁大年上

捐施題名記

聖觀以祠

帝玄武名祠之盛始建逮茲

今一百四十年如一日踰浙



水東西盡江漠南無與是鴈
行歲元旦日至上巳時節朔
望虎林士女大集庭下勢若
禹峽春流胥濤秋壯壑赴岸
滅前擁後推轡騎卷休輿轎
道息武無可布視不得留集

者亦咸嚴戒潔齋滌滌洗沐
專壹志慮肅齊形容喜怒不
行哀樂不入好惡不作驕吝
不生靈府朗清湛湛靜瑩俯
仰鞠踧瞻望象儀香氣燭光
星霧隱見雲冠霞佩曼蓋華

藩御氣乘風輝映颺舉聆音
覲影忽儼後先其或孝隆尊
親慈覃幼稚義鍾伉儷愛厚
弟昆益友善隣嘉姻懿戚禱
言甫發響答旋臻疾疢遂瘳
苗害隨弭訟爭銷釋吉慶大

來敬極信深忘吾有已何況
金幣聚散無常傾廩倒囊非
疎恠惜受福食德絕意覬覦
體異而同磁石傳鐵類鳴必
應銅山減鍾環循無端報施
之道牢辭固拒所不能迴儻

非絕席祠官祝釐共二紛華
永謝者欲弗萌澹乎平虛已
私淨盡如鏡懸室不受垢塵
去來經行無不呈露願安能
致其如此哉祠之建也施貲
者有美歲三月三日齋醮費

施田者亦有差度道生為道
士又看施田提點住持孫君
益謙提點觀事吳君存真懼
歲序之易遷致捐施之無紀
將取氏名爵里與貲田村石
數鐫堅珉與觀祠相為長久

上君俱來請記故爲具道
如此云

延祐三年九月戊申將仕郎

兩浙都轉運鹽使司長山場

鹽司丞胡長孺記
明年

正月之望翰林學士承

自榮祿大夫知制誥兼
脩國史趙孟頫書



歲在己巳三月三日文豈呂式斌敬觀

此石據翁跋歸嘉善程氏嗣經粵寇陷浙
蓋亦久佚似此精拓尤不易覩

燕公於歷下得之墨緣之宏洵堪忻羨

丁巳清和月皖歙江耆年識于燕市

是刻傳拓極少為和家藏趙書石刻出一格
法瘦硬迴與通行諸碑不同前月

謚俞携來楷讀見冊後有同鄉江君子晨
遺墨江君風雅好古曾應謚俞出辟
不亞朱叔宣出與積古俞也展卷慨然
不禁懷舊出感

甲戌十一月至德周進

此碑題目一行僅存觀捐施題名記六字考之寰宇訪碑錄卷十一乃佑聖觀也錄不詳碑之所在但據嘉定錢氏拓本著錄今此本有翁大年題字云此石向在杭州今藏嘉善程氏云考輿地紀勝卷一行在所云佑聖觀孝宗舊邸也淳熙三年建以奉佑聖真武靈應真君夢梁錄卷八記載更詳與此記所云佑聖觀以祠帝玄武名始建逮茲今一百四十一年者合一統志杭州府寺觀条云佑聖觀元大德中燬後重建有趙孟頫所書碑今記中亦有浙水東西虎林士女之語然則是碑固宜在杭州翁氏之言得其實矣記為胡長孺所撰長孺元史儒學傳有傳稱其於延祐元年轉兩浙都轉運鹽使司長山場鹽司丞階將仕郎未上以病辭不復仕今此記題延祐三年結銜皆與史合蓋其

辭疾里居時也其明年趙孟頫始書之於時子昂年六十四矣夫佑聖觀
為孝宗潛邸所改建孝宗一代令主功德在人乃國亡之後玉盃出於人
閒讀冬青之詩可為流涕是觀猛獨以崇奉真武尚得重修於元代好

事者且施田以為齋醮費而故國遺老號為理學名儒如長孺者

長孺為朱

四傳弟子仕宋至福寧府倅
見本傳及宋元學案卷六十五

又為之記以張之子昂以故王孫亦濡筆書之

而不辭吾不知其於天章寺一抔土亦嘗過而問焉否也紀勝言真

武像蓋肖孝宗御容夢梁錄則言後殿西奉孝宗神御易代

後量皆不存即存亦必已燬於火然長孺皆深沒其文不著第言

真武香火之盛而已可勝歎哉是碑拓本不易得

燕於大兄深

於金石之學藏碑極富出其所得李月汀舊藏本以示余屬為

跋因為考其事之本末如此乙亥二月武陵余嘉錫跋

右佑聖觀捐施題名記元將仕郎胡長獨造記翰林院學士承旨趙孟頫作書
此石齋在杭州後戚素養孫氏攷係聖觀宋孝宗潛邸淳熙中改建祠廟玄武世
云後殿別奉孝宗神御或曰真武象即有孝宗御容也入元大德中觀燬於火
此延祐間重建立石也覽長獨此記如對黃陵廟南海神廟碑志命意造辭一
付諸鴻空結撰而事創實又不同彼勝朝宗國之幽念觸處深結而一往夾雜
躍露於行間言外蓋事功之慟深已趙王孫呂法書囑於異代世俗躋之庸賢類
歐柳諸家間予少時其作誠為可喜第恨落筆泰甚媚俗此碑暮年所為
作意特傷近初唐諸老神態六幾造虞褚之庭而結體由河南尤近與其平
生所詣疎徑殊超一洗伐其柔媚媚貌洵王孫書中之最上乘也 燕肅觀察
粵孝月汀氏此舊感本於歷下深用珍愛頃出見示 命為之跋予粹觀此把
玩幾於靡厭 諱齋魯國世族家學所承淵深是一代名父子龍門易讓今
北方之學誰能或先此拓本彼歸足摩身主共初廿四年四月尚城景耀月

丁丑二月二日榮成姜忠奎敬觀

